

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十三

監外軍機大臣等奏為恭摺仰祈聖鑒事竊臣等查該部奏請將前次所請各案分別辦理等因欽此臣等查該部所請各案均屬例應辦理等因欽此

大學士等理戶部五庫等項事務等因欽此臣等查該部所請各案均屬例應辦理等因欽此

欽此

欽此

欽此

咸豐九年己未春正月壬申朔

上詣

奉先殿行禮 詣

堂子行禮 遣官祭

太廟後殿 御太和殿受朝作樂宣表如儀

詣

壽皇殿行禮 御乾清宮賜近支親藩等宴

諭軍機大臣等前因桂良等奏廣東有偽造

廷寄諭旨致該夷疑慮當明降諭旨令黃宗

漢嚴拏偽造之人並將欽差大臣關防移交

何桂清祇領接辦原冀該夷見此諭旨知海

口通商事宜已與黃宗漢無涉可以釋其疑

慮乃本日據桂良等奏廣東夷民互鬪致礙

和局該夷必欲回粵措置定於日內起身自

係未見前旨故堅欲駛回香港桂良等既不

能阻止該夷仍應將前旨鈔錄設法迅速知

照該夷並告以自議和之後黃宗漢辦理本

地土匪紳士羅惇衍等裁撤練勇均未與曠

國構釁該夷照會內所稱管帶壯勇之官紳

錯立見解各勇屢已胡為等語究竟何時何

事並未明言恐係傳聞不確又恐嘆佛之兵

出城擾害百姓以致互相爭鬪其曲亦不在

廣東百姓現在欽差大臣關防已交何桂清

接辦黃宗漢既不能干涉通商事宜曠國到

粵亦無可商議若如照會內所言恐傷和議

勸其折回上海該大臣等仍可設法挽回各

事儻該夷業已先到廣東肆行攻擊是該夷

等背約動兵自起釁端並非中國失信將來

該夷再赴上海桂良等言明在先即加拒絕亦覺理直氣壯至上海地方城外東北兩面江岸全係夷人形勢危險桂良等於夷酋赴粵後即可暫駐蘇州俟該夷回滬時再與計議若事已決裂難以理論即迅速馳奏聽候諭旨將此由六百里加緊密諭桂良花沙納何桂清並傳諭段承實知之 又諭黃宗漢自上年九月間奏陳夷務情形後迄今數月未據續奏羅惇衍等因天津和議已成兩次

奏到改刻辦團關防及裁撤壯勇派防土匪各情廣東辦法固未抑民義忿亦未有官員兵勇肇釁之事至夷人踞城未退時或出擾致有居民與之鬪毆其曲亦不在我昨暎首在滬投遞照會忽有偽造諭旨一事欽述廣東官紳尚在聯絡團練縱民為仇等語已明降諭旨著該督查拏偽造之人以釋其疑並諭將廣東欽差大臣關防移交上海由何桂清就近接辦以冀該夷就我範圍詎暎首未

得見此旨聲言廣東官紳謀害彼國有民夷互鬪之事即欲駛回廣東將省城官員出之於外伊即自收粵海關稅以為兵費業已整備軍裝船隻即日起身回粵究竟因何互鬪並何時何事照會內並未敘明恐有廣東不得志之人從中播弄以激夷人之怒著黃宗漢查明該省有無民人與彼為難致令該夷藉口生變迅速詳細馳奏一面照會暎夷辨明此事至欽差大臣關防已移交何桂清接

辦黃宗漢不管夷務而身任總督地方是其專責該夷回粵儻肆鴟張該督以聯絡紳民保衛地方為要務彼既回粵稱兵即是先行背約斷難再與議和毋庸顧忌設或該夷到粵後自知理曲尚堪駕馭即令回至上海與欽差大臣桂良等妥為定議總之該省捍禦事宜亦非易辦必當加意籌備毋失民心為要將此由六百里加緊密諭知之 又諭羅惇衍等自十月間奏稱裁併壯勇並將辦理

夷務關防改為團練名目後祇將捐輸人員
奏請獎敘並未將廣東民人與該夷互鬪情
形具奏前據桂良等馳奏有嘆夷傳聞寄信
諭旨一道查係偽造已命黃宗漢將偽造之
人拏辦並因夷人在上海議事復將欽差關
防移交兩江總督接受乃桂良等尚未奉到
此旨又奏稱漢夷因廣東民夷互鬪欲整備
軍裝即行回粵並稱夷人之意非撤去黃宗
漢及羅惇衍等團練之局總不能將廣東省
城退還等語覽奏深為詫異羅惇衍等自裁
併壯勇後已不復攻勦黃宗漢亦未禁止開
槍前覽該侍郎等奏報如攻打新安互有殺
傷亦因夷兵先來滋擾並非粵民侵侮夷人
此時據桂良等所奏恐有奸人從中構煽然
該夷既欲回廣東親自措處難保不即行赴
粵與官紳為難黃宗漢既不管通商而保護
地方是其專責羅惇衍等仍當妥辦團練以
保梓桑不可因此惶惑僅有民夷互鬪情事

是否民人起釁抑係夷人滋事並著羅惇衍
等查明馳奏現在該夷既欲回粵並有逐出
省城官員及收粵海關稅之語果有此等情
形是該夷先行背約斷難再與議和業已諭
知黃宗漢聯絡紳民以資捍衛該侍郎等務
當與該督聯為一氣固結民心保全地方為
要將此由六百里加緊密諭知之 癸酉
上御乾清宮戶部尚書管理藩院事肅順等引
堪布羅布藏朗結囊素阿旺呢瑪呼圖克圖

等十二人遞丹書克賜茶 諭內閣朕自御
極之初特開恩榜迄今已閱數年編惟
皇考宣宗成皇帝五旬六旬萬壽均降
旨特開鄉會試
恩科仰見
宏敷教澤行慶作人有加無已茲於咸豐十年
屆朕三旬萬壽允宜特開慶榜嘉惠士林著
於本年八月舉行恩科鄉試明年三月舉行
恩科會試以副朕簡拔人材至意 緩徵山

東臨清章邱鄒平齊東齊河禹城長清德平
東阿平陰惠民陽信滋陽嶧汶上陽穀單濮
朝城堂邑茌平館陶高唐益都博興邱金鄉
嘉祥魚臺濟甯歷城濟陽青城海豐利津定
陶鉅野鄆城莒高苑濰東平壽張荷澤范城
武西十六州縣並德州東昌臨清濟甯東平
五衛被水被旱災區額賦有差 賑安徽滁
霍邱二州縣被災被擾貧民一月口糧 是
日立春順天府進土牛春山寶座 甲戌

高宗純皇帝忌辰遣官祭
裕陵 乙亥
上御撫辰殿大幄次賜蒙古王貝勒及外藩使
臣等宴並賞賚有差 諭軍機大臣等勝保
翁同書奏請飭將部撥要款迅速撥解等語
皖省自潁州告警逆捻紛擾勝保等軍餉遽
均已梗塞山陝河南各省餉銀無從解運著
何桂清於江蘇藩庫內無論何款迅即撥銀
四五萬兩解赴勝保等軍營又前經戶部於

淮北鹽課協貼項下奏准每月撥解銀二萬
兩復經勝保與袁甲三商定每處撥銀一萬
兩迄今三月之久未據解到現在該營各項
要需均無所出並著何桂清會同庚長即將
前項銀兩如數迅速籌撥派員解往以濟急
需毋得往返函商致稽時日並不得以應解
皖省他款作抵致涉牽混將此由五百里各
諭令知之 又諭翁同書奏各省協餉不到
請旨飭催一摺皖省軍營餉需前據翁同書

請於山東山西陝西月各撥銀二萬兩河南
月撥銀六萬兩並以拾氛日熾餉道不通業
經該撫知照山西陝西兩省此後解餉務由
泰安沂州一帶行走河南省亦由東路繞越
以免耽延惟各該省總未源源解到而皖營
待餉情形實屬萬分急切自應速籌接濟著
崇恩英桂曾望顏各將月撥銀二萬兩恆福
將月撥銀六萬兩按月如數籌解除山東本
由泰安沂州解往外山西陝西兩省並著由

泰安沂州行走。取道清江。肝胎豫省。亦即由東路繞道。以期迅速。毋得稍存玩視。致滋貽誤。又另片奏。浙省應解皖餉五萬兩。久未解到。請飭速解等語。部撥浙江省皖餉五萬兩。前據胡興仁奏。請將河南應解浙江軍餉銀五萬兩。就近抵解安徽。此項劃解銀兩。並著恆福一併撥解。以應急需。將此由五百里各諭令知之。命太僕寺卿袁甲三來京。以江南徐州鎮總兵官傅振邦督辦三省勦匪事宜。

宜革職留營副都統伊興額幫同辦理。安徽和全椒三州縣城被賊竄陷。革知州陳麒昌職。知縣胡鑑革職。建甌免貴州都司鎮遠黎平思南四府獨山麻哈都勻清平黃平鎮遠施秉印江永從開泰安化婺川平越餘慶甕安龍泉龍里貴定荔波桐梓清江二十一廳州縣並錦屏縣丞所屬被擾地方額賦。丁丑以江蘇捐輸軍餉永廣長洲元和吳三縣學額各三名。戊寅。

世祖章皇帝忌辰遣官祭

孝陵 四川總督王慶雲奏遵覆雲南巡撫張

亮基抵省以後情形併籌商大局得旨覽奏

稍慰朕懷想該督接奉諭旨必有確實奏報

于安徽陣亡都司唐炳超守備張洪陞周

玉恩祭葬世職 已卯諭內閣前因察哈爾

總管等被許案內據總管扎克都爾供出前

署都統穆隆阿有收受皮襖銀兩情事當諭

令明白回奏茲據穆隆阿奏稱並未收受前

項銀兩其家人范姓二名一已病故一已因

瘋走失等語案關收受賊私豈得以人證無

從查傳含糊了事仍著穆隆阿即將家人范

姓趕緊交出送部審訊至穆隆阿究竟有無

收受皮襖銀兩確據著西凌阿慶酌再行提

訊扎克都爾錄供具奏毋許瞻徇消弭 諭

軍機大臣等據何桂清奏蘇松太道無員可

調請旨簡放一摺蘇松太道一缺駐劄上海

本有民夷交涉事件現當夷務未定之時員

缺尤關緊要恐新簡之員未能熟悉情形難期勝任何桂清業經授為欽差大臣通商事宜自應籌畫盡善以期經理得人該省實缺道員中既無堪以調補之員其候補道員及實缺知府內或有人地相宜者亦可酌量請補著何桂清會同徐有壬悉心選擇酌保二人開單具奏候旨簡放將此諭令知之

又諭鄭魁士奏甯防布置情形並軍械餉糈短絀請飭浙省速行撥解一摺甯國軍營餉

需疊據胡興仁奏報撥解惟該營欠餉過多且自潰挫以後器械鍋帳大半遺失現難經鄭魁士收集潰散與新到各軍分別布置而徒手未能禦侮枵腹尤難荷戈情形萬分危迫該郡為浙省門戶設有疏虞關繫非淺前經疊諭胡興仁於月撥餉銀六萬兩外仍添籌二三萬兩與鄧瀛自籌之三萬兩湊足每月十二三萬之數著胡興仁遵照前旨將應撥餉需按月如數撥解不得以籌措艱難稍

涉遲誤至所需軍火等件並著該撫源源接濟與所撥餉銀分別迅速解往至胡興仁前奏派員赴蘇借餉據何桂清等覆稱所有由金陵調援甯國各軍及水陸防勦兵勇十一十二兩月分應發之餉統由江南糧臺借給其正月以後餉需仍由浙江支應惟甯防需餉迫切仍著何桂清不分畛域悉心籌畫極力兼顧以保東南大局將此由五百里各諭令知之 以浙江甯紹台道賈臻為河南按

察使 庚辰享

太廟遣睿親王仁壽恭代行禮

上詣

皇乾殿行禮 詣

關帝廟拈香 遣官祭

太歲之神 諭內閣勝保翁同書奏訊明擅離職守之知縣尚無有心逃避情事一摺安徽已革候補同知直隸州署來安縣知縣劉錫齡前因賊氛逼近擅自出城當降旨將該

員革職拏問交勝保等審訊茲據訊明該革員實因調集鄉團出城後仍帶團丁進城適值援兵已到城池得保無虞尚非有心逃避劉錫齡業經革職著免其治罪 諭軍機大臣等現在天津辦理海防業已布置妥帖僧格林沁於月內總可到津所有地方彈壓事宜必須該督前往督率呼應較靈著慶祺即赴天津調度一切何日啟程先行具奏將此諭令知之 又諭勝保等奏請籌撥招撫經費一摺並片陳近辦情形因各省餉需支絀勢難應手已於摺內詳悉批示矣各捻股數眾多如果渠魁就撫散其脅從實於大局有裨惟受降如受敵此輩狼子野心最易反覆投誠後是否不致復叛必確有把握方無後患儻因乏食投降目前數萬金尚不難於籌畫以後何以為繼况皖營兵餉久缺而以重賞賚賊更恐夫軍士之心此皆不可不慮非必吝此二三十萬金也若能以賊攻賊則事

半功倍得賊輜重即可養投誠之眾故必責令立功方能信其悔罪未可輕易受降貪多自喜後受其累也現在張元龍等已願換我軍旗幟擇日薙髮出降自當加以獎賞固結其心所部多人應擇其精悍者分編營伍責令立功攻打何處擒匪其餘脅從之眾分別遣令回籍歸農勿使聚而生變彼既回心向化獻出城池即當官為駐守翁同書身任皖撫地方是其專責俟張元龍等獻城即著選

擇文武幹員入城辦事安撫良民不得仍聽搶掠至孫葵心亦係悍賊如果乞降則蒙亳一帶易於肅清惟須張元龍一股解散安插妥協方可再辦一股若此股尚不足恃即招彼股恐人心叵測不獨費需難繼更恐勝保駕馭不易必須步步腳踏實地以免他虞袁甲三已令回京所有勒匪事宜另派傅振邦接辦而以伊興額副之傅振邦等俱素稱勇敢勝保不患無助當與聯絡聲勢南北夾攻

直搆巢穴方合勒撫兼施之法毋徒一意主撫為賊所輕也再前據許乃普奏駐劄靈壁縣之遊擊滕家勝所帶兵勇不過三百餘名能聯絡鄉團擊退擒匪數萬等語如實得力即著勝保翁同書確查具奏將此由六百里諭令知之 欽差大臣勝保奏籌辦招撫事宜請豫籌經費二三十萬兩解皖備用得旨所見甚是所慮甚大然此時各省軍營同一缺餉焉能湊集鉅款若是之速僅使招而復

叛是軍餉之外徒增一項無益之費支絀之際尚堪如是拋擲耶莫若以賊攻賊事半功倍更可堅其向化之誠脅以不能復叛之心天下大局將定之時遣散安置不復斬此小費以期底定所請之處實難應手暫毋庸議若各省應解正餉近已有旨催解再有延宕之處何難指名奏朕縷晰指示諒勝保必能仰體朕之苦心也 辛巳祈穀於上帝遣惇郡王奕諱恭代行禮 壬午

孝全成皇后忌辰遣官祭

慕陵 諭內閣贈大學士太傅禮部尚書銜原任禮部侍郎杜燾靈柩回籍前經降旨派員子綿勳前往祖奠目送並著沿途地方官妥為照料護送茲聞於本月二十一日啟程著加恩於到籍後賜祭一壇並於贈太師大學士杜受田墓前賜祭均著山東巡撫崇恩派委道府大員前往奠醑以示朕篤念師儒有加無已至意 諭軍機大臣等前據桂良等

奏請先行進呈兩次條約當經降旨允准並令俟挽回四事另立專條進呈後再行一併用寶發回本月初九日據桂良等專弁送到和約稅則各件業經軍機處代為呈覽矣惟挽回專條俟候苗回滬後總須及早定議迅速進呈方能與現遞條約一併用寶發交各國免致日久耽延桂良等不得因條約業已進呈含糊了事有負委任此時利害轉關全恃專條為補救著桂良等悉心籌畫盡力挽

回即行馳奏至十二月二十六日明發諭旨
桂良等奉到後如何傳示該夷該夷接奉後
作何情形並喚船駛到粵東有無消息著一
併具奏將此由六百里密諭桂良花沙納何
桂清並傳諭段承實知之 予江西南安府
陣亡生員張映薇祭葬世職如教諭例 癸
未諭軍機大臣等蔣霽遠奏黔軍欠餉過多
請飭催各省迅解一摺四川山東山西陝西
湖南等省欠解黔餉共計四十二萬四千餘
兩內惟四川除扣還外解過二萬兩陝西起
解在途銀一萬五千兩此外並無協餉解到
亦無起解消息現在黔省勦匪正在喫緊各
路營盤月需餉銀十萬有奇欠發過多軍心
易變自應速籌接濟著王慶雲崇恩英桂曾
望顏迅飭各該藩司各將欠解黔餉銀兩趕
緊籌撥派員解赴黔省以濟急需至湖南省
於按月撥給韓超軍營銀四千兩外其餘平
思州二府清溪玉屏二縣邛水縣丞及鎮遠

鎮標官兵餉需能否於湖南欠解黔餉內就
近酌撥接濟之處著路秉章酌量辦理將此
由五百里各諭令知之 以貴州石阡甯安
等處勦賊出力予己革知州王敬烈留營效
力 展緩浙江海鹽縣被風歉收地畝帶徵
白糧 甲申
上詣
壽安宮西所問 諭軍機大臣等前因廣東有
如皇貴太妃安 諭軍機大臣等前因廣東有
偽造廷寄諭旨致喚國疑慮業經諭令黃宗
漢查拏偽造之人本日據羅惇衍等奏該國
懷疑再擾北路旋即退出並鈔錄奸民偽造
諭旨與桂良等前奏相符羅惇衍等在粵辦
理團練曾申諭北路鄉民不與喚佛等圖為
難致開釁端詎該圖於上年十二月初一日
率眾千餘由三元里前進一路焚燒轟斃行
人鄉民始鳴鑼對仗初五日復直趨石井互
有殺傷皆由奸民偽造諭旨致該國疑慮並

非羅惇衍等不遵前旨仍與該國構釁本日
已諭令黃宗漢柏貴照會該國令其盡釋前
疑不可為奸民所惑額爾噶現已回粵儘經
查明自必恍然知花縣之事由於奸民偽造
諭旨致懷疑慮並非中國故違和約也桂良
等接奉此旨即設法照會額爾噶告以此次
與鄉民互鬪雖由彼先啟兵端究係因懷疑
所致一經說明自當相安無事如額爾噶業
已回滬更可明白開導以全議撫大局羅惇
衍等摺著鈔給閱看將此由六百里密諭桂
良花沙納何桂清並傳諭段承寶知之 又
諭前因廣東有偽造諭旨一事並喚國公使
因廣東民人與喚兵互鬪即行回粵先後寄
諭該督查明馳奏並據羅惇衍等奏喚兵懷
疑再擾北路旋即退出等語喚國兵丁懷疑
逞忿先開槍礮傷斃多人故百姓與之仇殺
釁端自彼而開黃宗漢遠在惠州難與關說
柏貴近在同城可向該公使妥為開導告以

粵東喚兵誤信偽造寄諭以致兩次縱兵焚
掠互有殺傷並非粵民起釁額爾噶遠在上
海無由知悉羅惇衍等亦知喚兵因見偽造
廷寄懷疑構釁現已約束鄉民不准妄動並
撤去北路壯勇以示不疑現在上海議定稅
則彼此即可永敦和好廣東偽造寄諭之事
已奉旨查拏嚴辦該公使諒已明白此事皆
由廣東奸民煽惑並非中國暗謀矣如此坦
懷相示使其悔悟仍回上海辦理通商方妥
至近來粵東海口通商情形如何有無奸民
從中阻撓並著該督撫查明具奏將此由六
百里密諭知之 又諭前因桂良等奏廣東
民夷互鬪夷酋即欲回粵措置當經諭知羅
惇衍等查明民夷起釁根由仍當妥辦團練
茲據該侍郎等馳奏夷人懷疑再擾北路旋
即退出並移局撤勇各情此次夷人懷疑逞
忿先開槍礮轟斃多人並帶夷兵直趨花縣
實由該夷起釁與粵民無涉羅惇衍因恐與

現議和局有礙暫為隱忍飭令壯勇勿許妄動並將花縣總局移至離城數十里之外以避兇鋒辦理尚為妥協本日已將粵東情形寄諭桂良等知悉並將原摺鈔給閱看又密諭黃宗漢等令柏貴就近妥為開導以釋其疑前據桂良等奏嘆首於上年十二月二十二日已起碇赴粵計此時已早至廣東省城是否與官紳為難亟應妥為籌防羅惇衍等惟當遵照前旨認真督辦團練聯絡紳民保衛地方並妥籌兵餉仍申諭民勿與夷人讎殺以彌釁端至羅惇衍等雖止辦團練事宜與夷務無涉而於機密之事務當加意慎重勿使奸人聞知致再詭言起釁將此由六百里密諭知之 又諭前因袁甲三奏餉需不繼請飭在山東登萊青三府屬海口舉辦抽釐當諭令崇恩飭屬查覈妥議具奏尚未據該撫奏到本日據慶祺奏津郡辦理釐捐接濟經費而近來商船多繞赴登州府屬之

煙臺海口出入藉圖趨避該處向未設有稅局以致有礙釐捐且恐各處關稅諸多偷漏著崇恩即行遴委委員查明煙臺海口情形議立章程照例覈實徵稅暫行撥解天津協濟海防經費俟海疆平靖仍歸山東報撥至袁甲三所請於各海口抽釐接濟徐州軍餉之處仍著該撫妥籌辦理將此由四百里諭令知之 予安徽陣亡守備江心順千總周占雄把總陳殿颺外委張洪升等祭葬世職

乙酉

宣宗成皇帝忌辰遣官祭

慕陵

上詣

壽皇殿行禮 諭內閣理藩院奏喇嘛供詞狡展請派王大臣會訊一摺那木喀呼圖克圖與扎薩克喇嘛嘉木磋因口角忿爭嘉木磋撕破那木喀呼圖克圖貂褂迨經提訊又復供詞狡展堅不承認事關黃教自應徹底根

究著理藩院提集人證嚴行審訊照例懲辦
諭軍機大臣等本日據袁甲三奏懷遠逆
賊糾合萬餘人由臨淮北竄直撲鳳陽靈璧
交界之新橋連城一帶逼近滄河經遊擊滕
家勝督率勇練在滄河北岸堵守等語該逆
糾眾萬餘竄偏滄河意在搶渡並據探報欲
由靈泗竄往清江及往桃源宿遷分轄之洋
河集一帶搶掠該逆勢甚鴟張東路甚形喫
緊現由袁甲三先派馬隊六百名馳往援剿
尚恐賊眾兵單亟宜豫籌防堵著邵燦庚長
即撥清江現有兵勇並嚴飭桃源宿遷各縣
調集兵練密為布置以杜逆匪紛竄將此由
六百里各諭令知之 又諭袁甲三奏滄北
連獲全勝現擬移營進劄一摺逆捻環築十
四圩深溝高壘據以為營意圖圍困苗練即
以開通竄路我軍旬日以來連戰皆捷並毀
賊圩兩座兵練聲息已通即當乘勝進逼前
已有旨調袁甲三來京供職派傅振邦督辦

三省勦匪事宜並派伊興額幫同辦理該總
兵現有督勦之責著與該副都統督率兵勇
速解苗沛霖之圍令該練總隨時出擊牽制
賊勢一面分撥馬步隊扼要緊逼斷其接濟
為一鼓成擒之計前諭東豫兩省合力會勦
已據恆福派出總兵邱聯恩等豫為布置其
崇恩所派富新黃良楷統帶兵勇四千名據
袁甲三奏稱定於開印後出境著俟兩省兵
勇到後傅振邦等即與會合進勦直搗賊巢
毋令匪蹤他竄其新橋連城一帶匪眾是否
已渡滄河應就現有兵力妥籌兼顧本日並
諭邵燦庚長嚴密堵勦矣將此由六百里諭
令知之 予安徽陣亡防禦齊克慎等祭葬
世職 丙戌月食

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十三

實錄卷二百七十三

二十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十四

奉天巡撫臣李鴻章奏為請旨將前經奏准在案各員分別請獎以昭激勸事竊查前經奏准在案各員分別請獎以昭激勸事竊查前經奏准在案各員分別請獎以昭激勸事

咸豐九年己未正月丁亥

上幸圓明園 詣

安佑宮行禮 諭軍機大臣等胡興仁奏撥甯
需餉孔亟請飭江蘇省暫為通那一摺據稱
江南所派援甯兵勇業經何桂清由蘇發給
十一十二兩月口糧本年正月即須由浙支
放現在鄭魁士將南陵西路之賊攻退即可
規復灣黃援師四集需餉萬分緊要浙省勸
捐現無起色一時湊辦不及擬請飭江蘇省
於庫存項下暫借銀二十萬兩以救目前之

急俟浙餉稍裕卽行籌還等語前因甯國缺餉浙省未能接濟曾諭何桂清不分畛域就近籌撥著該督仍遵前旨卽於蘇省庫款內酌量撥銀二十萬兩以濟甯防之餉毋使飢兵潰散又生意外之變將此由五百里諭令知之 浙江巡撫胡興仁奏候補三品京堂張芾服滿擬俟軍情稍緩回籍穿孝得旨俟軍情大定回籍時請旨遵行不准擅行離防以重軍務 以鑲白旗蒙古副都統福齡著

正白旗蒙古副都統 以浙江辦理海運出力予知府王喬雲等升敘有差 戊子 上御奉三無私殿賜近支親藩等宴 諭內閣 吳振械奏請開復辦團鄉紳革職處分等語 雲南在籍侍郎黃琮御史竇坊前因辦團錯謬降旨革職交吳振械查訊治罪茲據奏稱查明黃琮等辦理團練持論未能平允及刑刻告示有乖體制各情雖俱事出有因惟察訪輿論皆竇坊主持其事厥咎較重黃琮止

於不能駁正該革員等當省城被圍時均隨同登陴固守又復勸捐出力功過尚足相抵黃琮著准其開復原官竇坊著交部議處其革職治罪之處著加恩寬免 諭軍機大臣等張亮基奏滇省將備乏員請由湖南派往差遣等語該督前任湖南巡撫稔知該省武職及紳民中甚多出色之人雲南武備廢弛已久現當辦理回務之時需材甚急著路秉章於該省都司守備以下及紳民中擇其久

歷戎行曉暢軍務者酌派四五員並選帶精練兵勇一百名飭赴雲南以資差遣武職人員卽題補滇省營缺其紳民中如有將材並著由張亮基隨時保奏以備錄用將此由五百里諭令知之 以內閣學士宜振署禮部左侍郎袁希祖署工部右侍郎兼管錢法堂事務 以盛京禮部侍郎文俊兼署刑部侍郎 命河南河北鎮總兵官樂善赴欽差大臣勝保軍營隨同勦賊 以雲南攻勦回匪

出力賞守備何占標花翎知縣李鳳暈等藍
翎並升敘有差 己丑

上御正大光明殿賜大學士尚書等宴 諭內

閣載葆舒精阿奏敬擬辦理

秦東陵

東配殿暖閣等工一摺著照所請此次添設

暖閣移請

神龕各項工料應用錢糧覈計在一千兩以內

准其仍在廣恩庫長蘆正款項下銀鈔各半

發給免其報部覈銷歸入廣恩庫年例奏銷

以歸簡易即著載葆等督率司員敬謹辦理

庚寅

上御山高水長賜王公大臣蒙古王及外藩使

臣等食 諭內閣理藩院奏扎薩克喇嘛嘉

木磋與那木喀呼圖克圖口角忿爭並達賴

自戕身死一案著派惠親王怡親王載垣瑞

麟穆蔭提集全案人證嚴行訊辦那木喀呼

圖克圖著暫行勿庸掌印嘉木磋著革去扎

薩克並達喇嘛一併歸案鞫審其扎薩克印

務著洞閣爾呼圖克圖署理 又諭王懿德

奏順昌等處各股首率黨投誠籌辦大概情

形一摺福建省上年春間江右逆匪闖入滋

擾攻陷府縣城池疊經王懿德等督師勦辦

次第削平僅止連城一縣尚為賊踞該省地

瘠民貧其被賊裹脅陷而為匪者為數甚多

情實可憫王懿德飭署延建邵道潘駿章等

協同紳士勦撫兼施據江西股首周烜燦及

廣東汀州等處各股首先後赴營薙髮投誠

共計夥黨七八十人現已挑選精壯留充新

勇允宜寬其既往予以更新所有率眾向化

之股首周恭熙即周烜燦著加恩以陸路把

總候補並賞給軍功五品頂帶邱邦榮等並

著以把總外委額外等職拔補分別賞給軍

功頂帶俟續有勞績再請恩施遣散夥黨分

飭原籍地方官隨時稽察安置仍聽自謀生

理前犯罪名概免查究以資激勸 諭軍機

大臣等據翁同書奏已革藩司李孟羣現擬抽遣勇丁留四十餘名必須有額定之糧方可無虞潰散查有四川省欠解該革員行營協餉計三十萬二千餘兩請飭該省按月補解等語著王慶雲即於川省欠解項內按月分起補解李孟羣軍營銀三萬兩以濟要需將此由五百里諭令知之 命戶部左侍郎沈兆霖會同倉場侍郎崇綸廉兆綸查倉御史范承典查驗舊太倉徵變米石 調陝西

延綏鎮總兵官郭相忠為甘肅肅州鎮總兵官甘肅肅州鎮總兵官龍澤厚為陝西延綏鎮總兵官 予安徽陣亡守備王景燝從九品郭培先縣丞余炳祭葬世職文生徐耿光練總張慎堂等旌卹如例 辛卯 上御澄虛榭南書房賜王大臣等食 諭內閣 本年應修 永陵殿座等處工程前經工部奏稱按照前任盛京將軍慶祺冊報覈算應銀一萬一千七

百七十八兩零因與玉明等所奏估需銀七千八百八十三兩之數不符當經諭令玉明等查明具奏茲據玉明麟興奏遵旨詳細覆覈前估銀數均係按照例價估計並無舛錯等語此項工程銀兩何以工部叢計與該將軍等所估多寡懸殊著派翁心存趙光詳細查明具奏 諭軍機大臣等昨據理藩院奏喇嘛嘉木磋與那木喀呼圖克圖口角忿爭以致違賴自戕一案已派惠親王等訊辦矣

業內指出在多倫諾爾牧羣居住之阿木呢固爾通巴著慶昫選派委員前往該處密查拏押解來京以憑訊辦該固爾通巴屋內所有經卷及一切什物均著一併查抄逐細點明開具清單解交派審王大臣歸案查訊毋得遲延漏洩將此由四百里諭令知之 以四川會理州勦匪出力賞土司吉時雨等花翎知縣徐福麟等藍翎知府史致康等升敘有差 壬辰

孝穆成皇后忌辰遣官祭

慕陵 緩徵江西南昌新建豐城進賢建昌安

義鄱陽七縣被水地方新舊額賦有差 癸

巳諭軍機大臣等定福奏援案請提稅銀支

發兵餉等語山海關海口備防緊要業經定

福酌調防海官十一員兵四百名駐劄海口

防禦惟該官兵等口糧據稱無款可籌深恐

有誤防務著定福傳諭山海關監督誠明將

所需口糧卽在收存關稅銀兩內酌量提用

以資支放毋誤要需將此諭令知之 以克

復江西上猶崇義等縣城賞縣丞汪世梅等

藍翎在籍御史李臨馴等加銜升敘有差

以江西瀘溪勦匪不力革都司丁東勝等職

迨予江西宜黃縣殉難知縣傅培峰建立

專祠同時被害舉人黃秩滋張受勤武舉紀

鳳翔一併附祀 予江西陣亡守備石有周

何益發把總劉喬秀外委胡豐仁等祭葬世

職軍功尹代貴等賞卹如例 甲午

孝聖憲皇后忌辰遣官祭

泰東陵 諭內閣慶祺奏修築礮臺購買木料

等銀請免造冊報銷一摺前經留格林沁等

奏修築礮臺等工動用銀兩業經免其報銷

茲據慶祺奏購辦木植除餘騰外動用木料

價銀及運送木植運辦沙土船價土方人夫

等項共銀四萬四千九十八兩零著一併免

其造冊報銷以歸畫一 又諭何桂清奏揚

關白塔等口徵收稅銀已儘數撥充軍餉一

摺上年揚關所轄白塔邵伯芒稻中牕等四

口徵收稅銀據稱撥充軍餉實無盈餘俟江

北軍務平定商販流通再將關牕復設惟當

餉需浩繁之際若俟事竣彙案報銷恐日久

漫無稽覈著該督將出入各數按年開具比

較清單隨時報部以重款項而備稽查 諭

軍機大臣等慶祺奏覆勘容親王交官廠地

請仍照原額徵租一摺容親王仁壽交官地

畝前據桂良請照原額徵租經戶部以此項